

ԳԼՈՒԽ Ի.

1 Յաղագս թե՛ զհա՛րո՞ղ պատերազմ սաստկացեալ էր ի մէջ Յունացն եւ Պարսից, եւ թե՛ զհա՛րո՞ղ Արշակ արքայ Յայոց զաւրավիզն լինէր թագաւորին Պարսից, եւ հաներ ընդ սուր զգաւրսն Յունաց. կամ զհա՛րո՞ղ դաւաճանութեամբ սիւնւոյն Անդուկայ փախստական լինէր արքայն Յայոց:

2 Այլ զառաջինն իբրեւ փախեալ թագաւորն Արշակ յարքայէն Շապիոյ, եւ անարգեաց զնա յերդմանցն իւրոց, զառաջինն Շապուհ արքայն Պարսից ոչ ինչ խստութեամբ ջանացաւ ընդ նմա. վասն զի մարտ դեռ բազում սաստկացեալ էր ի մէջ իւր եւ ի մէջ թագաւորին Յունաց: 3 Եւ իբրեւ հաղ քան զհաղ յաւել լինել պատերազմ, իսկ թագաւորն Յայոց Արշակ զառաջինն ընդ միտս իւր մեծամտեալ էր, եւ նայէր տեսանել՝ թե՛ ո՛վ ի սոցանէն կոչեսցէ զնա ի թիկունս աւզնականութեան յաղագս գործոյ պատերազմին: 4 Ակն ունէր, երթեալ կամելով յաւժարութեամբ ի թիկունս կայսերն Յունաց. իսկ նոքա ոչ կոչեցին զնա, եւ ոչ շուք ինչ եղին նմա եւ ոչ մեծարանս:

5 Իսկ թագաւորն Պարսից Շապուհ յղէր առ նա հրեշտակս խաղաղութեան. յուշ առնէր նմա զառաջին երդումն, ասելով՝ եթե՛ կամ լիցի եղբաւրդ զի եկեսցես աւզնեսցես ի գործ պատերազմիս, զի ի թիկունս հասցես քո զնդաւդ: 6 Ասէ. Թե՛ դու ի մեր կոյս լինիս, գիտեմք զի մեր լինելոց է յաղթութիւնն: 7 Ապա յորժամ զայս լսէր Արշակ արքայ Յայոց, մեծաւ ուրախութեամբ կամեցաւ երթալ ի թիկունս աւզնականութեան, զաւրավիզն լինել Շապիոյ թագաւորին Պարսից: 8 Ապա տայր հրաման թագաւորն Արշակ Վասակայ իւրում սպարապետին՝ գունդ գումարել, զաւրս պատրաստել: 9 Եւ նա վաղվաղակի կատարէր զհրամանս թագաւորին. չորեքհարիւր հազար զաւր կուռ վառեալք, որ ընտիրք եւ պատերազմողք էին, լի արութեամբ արուեստաց նահատակութեանն: 10 Նիզակաւորք, սուսերաւորք, աղեղնաւորք անվրէպք կորովիք, վաղրաւորք, սակրաւորք, որք ոչ գիտէին զերկեւզանգիտելոյ յարանց յախոյանց¹. համակ հեծելազաւրք զրահաւոր պատենազէնք, սաղաւարտաւորք, դրաւշաւորք, կազմ նշանաւորք բազմաձայն փողարաւքն²:

11 Խաղաց զնաց թագաւորն Արշակ բազմակոյտ նախարարաւքն, չուեաց ընդ Աղծնիս ընդ իւր իշխանութիւնն. չոգաւ թափեցաւ յերկիրն արուացաստանի՝ դէմ յանդիման մըծքնացւոց քաղաքին, որ էրն տեղի ճակատուն պատերազմին: 12 Ապա երթեալ տեսանէին զժամադիր արարեալ միմեանց վասն իրաց պատերազմին կողմանցն երկոցունց: 13 Իսկ զաւրքն Յունաց հասեալք, մածեալք բանակեալք էին իբրեւ զաւազ առ ափն ծովու

1 *Յօրինակի միում* ախոյեանց

2 *Յօրինակի միում* փողաւորք